



Broj: 15-03-16-5-117/15
Datum: 1.12.2015. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“ broj 56/08), člana 69. stav 2. tačka d), a u vezi sa članom 72. stav 3. tačka d) i člana 70. Zakona o javnim nabavkama BiH („Službeni glasnik BiH“, broj 39/14), direktor Agencije donosi slijedeću:

ODLUKU **o poništenju postupka nabavke**

I

Poništava se postupak javne nabavke usluga održavanja Oracle licenci objavljenom na web portalu Agencije za javne nabavke BiH, broj obavještenja: 1110-1-2-9-3-8/15 od 30.04.2015. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja. Stupanjem na snagu ove odluke stavlja se van snage Odluka o izboru najpovoljnijeg ponuđača broj: 15-03-16-5-117/15 od 22.09.2015. godine.

O b r a z l o ž e n j e

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-117/15 od 05.03.2014. godine, konstatovala je da je rok za dostavu ponuda 18.06.2015. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigli dvije ponude i to ponuđača: QSS d.o.o. Sarajevo i CORE d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za izbor najpovoljnijeg ponuđača. Ponuda ponuđača QSS d.o.o. Sarajevo, nije kvalifikovana i prihvatljiva.



Analizom ponuda primjenom kriterija najniža cijena Komisija je utvrdila da je najpovoljnija je ponuda ponuđača CORE d.o.o. Sarajevo.


Nakon toga jedini kvalifikovani ponuđač CORE d.o.o. Sarajevo je pozvan da dostavi bankarsku garanciju.

Ugovorni organ je dana 20.10.2015. godine uputio Poziv za dostavljanje bankarske garancije, a zatim je isti poziv upućen i dva dana kasnije. Bankarsku garanciju je tražena na iznos od 10% od vrijednosti ugovora tj. na iznos od 60.582,60 KM. Ponuđač je bio dužan garanciju dostaviti u roku od 15 dana. Garancija je tražena u skladu sa članom 61. stav 4) Zakona o javnim nabavkama BiH i članom 6. Pravilnika o formi garancije za ozbiljnost ponude i izvršenje ugovora („Službeni glasnik BiH“, broj 90/14).

Članom 72. stav 3) tačka d) Zakona o javnim nabavkama BiH propisano je da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti garanciju za izvršenje ugovora u skladu sa uslovima iz tenderske dokumentacije i u roku koji mu je odredio ugovorni organ. U konkretnom slučaju ugovorni organ je ostavio rok od 15 dana, ali u datom roku garancija nije dostavljena.

S tim u vezi, kako ponuđač CORE d.o.o. Sarajevo nije dostavio traženu garanciju, a nije bilo drugorangiranog ponuđača, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X 

DIREKTOR

Edim Nesini

Signed by: ENESIMI
дигитално потписано / digitalno potpisano / digitally signed